

A Ang Pagkabanhaw ni Jesus

❖ Ang pagkabanhaw ba usa ka tinuod nga panghitabo sa kasaysayan? (1 Corinto 15:1–11)

- Sa dili pa tubagon ni Pablo ang mga pagduhaduha sa mga taga-Corinto mahitungod sa pagkabanhaw, iyang gipahinumdoman sila kon giunsa paglihok ang ebanghelyo (1 Corinto 15:1–2):Kini giwali ⇒ Kini gidawat ⇒ Ang tawo magpadayon niini ⇒ Ang kaluwasan maangkon.
- Ug unsa man ang ebanghelyo nga giwali? (1 Corinto 15:3–4):Si Cristo namatay tungod sa atong mga sala ⇒ Si Cristo gilubong ⇒ Si Cristo nabanhaw sa ikatulong adlaw.
- Ug unsaon nato pagkahibalo nga ang pagkabanhaw usa ka tinuod nga panghitabo sa kasaysayan? Kinsa ang nakakita kang Jesus human Siya mabanhaw? (1 Corinto 15:5–8): Pedro ug ang Napulog Duha ⇒ Labaw sa 500 ka mga igsoon ⇒ Santiago ug ang mga apostoles ⇒ Pablo, “ang natawo nga dili sa tukmang panahon.”
- Gipatin-aw ni Pablo nga ang ebanghelyo mao ang buhat sa Dios nga gituman “sumala sa Kasulatan.” Sa ato pa, kini usa ka plano nga gitakda daan sa Dios diin ang pagkabanhaw adunay mahinungdanong papel. Kon adunay nagduhaduha, mahimo nilang pangutan-on ang mga saksi nga buhi pa niadtong panahona.!

B Ang mga Sangpotanan sa Pagkabanhaw ni Jesus

❖ Unsa kaha kon si Cristo wala mabanhaw gikan sa mga patay? (1 Corinto 15:12–19)

- Ang pagsalikway sa posibilidad sa pagkabanhaw nagmugna og panagsumpaki sa Kristohanong pagtuo, tungod kay “kon walay pagkabanhaw sa mga patay, nan si Cristo usab wala mabanhaw” (1 Ang pagwali sa ebanghelyo mahimong kawang ug walay kahulogan (1 Corinto 15:14a).
 - (1) Ang atong pagtuo mahimong kawang, walay kahulogan, ug walay kapuslanan (1 Corinto 15:14b, 17a).
 - (2) Mahimo kitang bakak nga mga saksi (1 Corinto 15:15).
 - (3) Magpabilin gihapon kita diha sa atong mga sala (1 Corinto 15:17b).
 - (4) Kadtong nangamatay dili na gayud mabuhi pag-usab (1 Corinto 15:18.)
- Kon walay pagkabanhaw, si Jesus mahimo lamang nga usa ka matarong nga tawo nga gipatay nga walay sala, apan dili makahimo sa pagluwas. Apan “karon si Cristo nabanhaw na gikan sa mga patay” (1 Corinto 15:20a). Busa, aduna kitay BUHING Manluluwas.
- Tungod niini, ang ebanghelyo adunay tinuod nga kahulogan; ang atong pagtuo adunay kapuslanan; kita matinumanong mga saksi; ang atong mga sala mapasaylo; ug ang mga nangamatay diha kang Cristo mabuhi pag-usab..

❖ Unsa ang nagpasalig sa pagkabanhaw? (1 Corinto 15:20–34)

- Ang unang kamatuoran nga gipasaligan pinaagi sa pagkabanhaw ni Jesus mao nga kitang tanan nga midawat sa plano sa kaluwasan—gikan kang Adan hangtod sa katapusan sa kalibutan—kon kita mamatay, mabuhi kita pag-usab (1 Corinto 15:20–23).
- Unsa man ang mahitabo human sa atong pagkabanhaw? Pinaagi sa pagpildi sa kamatayon, mabuntog ni Jesus ang tanan Niyang mga kaaway (1 Corinto 15:25–26). Dayon, itugyan ni Jesus ang tanan ngadto sa Amahan, aron “ang Dios mahimong tanan diha sa tanan” (1 Corinto 15:24, 28).
- Gawas niining mga kasiguruhan alang sa umaabot, naghatag usab si Pablo og duha ka kasiguruhan nga adunay epekto sa atong adlaw-adlaw nga kinabuhi::
 - (1) Takos gayud nga iwali ang ebanghelyo, bisan pa kon kini maglakip og pag-antos o peligro.(1 Corinto 15:30–32)
 - (2) Takos gayud nga magkinabuhi kita nga nahiuyon sa mga prinsipyo sa Biblia. (1 Corinto 15:33–34))

C Ang Atong Pagkabanhaw

❖ Unsang matang sa lawas ang atong mabatonan sa pagkabanhaw? (1 Corinto 15:35–49)

- Gigamit ni Pablo ang pipila ka mga pananglitan aron ipasabut ang kalainan tali sa atong kasamtangang lawas ug sa lawas nga mabanhaw:
 - (1) Mga lawas sa tanom (1 Corinto 15:35–38) Ang liso gipugas; ang lugas o tanom anihon; ug ang Dios naghatag sa matag tanom sa lawas sumala sa iyang kabubut-on.
 - (2) Pisikal nga mga lawas (1 Corinto 15:39) Adunay lawas sa tawo, lawas sa mga mananap, lawas sa mga isda, ug lawas sa mga langgam.
 - (3) Langitnong mga lawas (1 Corinto 15:40–41) Adunay himaya sa adlaw, himaya sa bulan, ug himaya sa mga bituon; ang matag usa adunay kaugalingong kasidlak o himaya)
- Unsa ang kalainan tali sa kasamtangang lawas ug sa lawas nga mabanhaw? (1 Corinto 15:42–44)
 - (1) Kasamtangang lawas: madunoton, walay himaya, mahuyang, ug kinaiyanhon.
 - (2) Lawas nga mabanhaw: dili madunoton, mahimayaon, gamhanan, ug espirituhanon
- Si Adan adunay yutan-ong lawas, samtang ang ikaduhang Adan, si Jesus, adunay langitnong lawas. Sa pagkabanhaw, ang atong lawas pagausbong ngadto sa dagway sa lawas ni Cristo—dili madunoton, mahimayaon, gamhanan, espirituhanon, ug langitnon (1 Corinto 15:45–49).

❖ Kanus-a kita pagabanhawon? (1 Corinto 15:50–58)

- Sa dili pa ipatin-aw ni Pablo ang panahon sa pagkabanhaw ug unsa ang mahitabo sa atong mga lawas nianang panahona, iyang giingon nga “ang unod ug dugo dili makapanunod sa gingharian sa Dios” (1 Corinto 15:50). Nagpasabot ba kini nga wala na kitay pisikal nga lawas human sa pagkabanhaw?
- Ang pulong nga “unod ug dugo” kasagarang gigamit isip laing paagi sa pagtumong sa tawo (Mateo 16:17; Galacia 1:16; Efeso 6:12; Hebreo 2:14). Dinhi, naghimog pagtandi si Pablo: mga lumulupyo sa yuta = madunoton; mga lumulupyo sa langit = dili madunoton. Ang atong lawas karon madunoton, busa dili kini mahimong mosulod sa langit sa iyang kasamtangang kahimtang.
- Sa ikaduhang Pag-anhi ni Cristo, ang madunotong lawas pagausbong ngadto sa dili madunotong lawas, sama sa lawas nga nabanhaw ni Jesus (1 Corinto 15:51–55; Lucas 24:36–40).
- Alang niadtong nangatulog diha kang Jesus, daw usa lamang ka gutlo ang milabay. Sa miaging takna ilang gibati ang kabugnaw sa kamatayon, apan sa sunod nga higayon, makita na nila si Jesus nga nagaanhi (1 Corinto 15:52).